

Durante e super show di gala Den Ambiente Awards....

ASTRID SALAZAR LO SER HONRA PA SU 30 ANA DEN FARANDULA..

** Durante e magno premiacion di DEN AMBIENTE AWARD 1995, cual lo bay tuma lugar diaranson dia 27 di december, e conocido profesor y arte di baile ASTRID SALAZAR lo ricibi un bunita plaquette como reconocimiento pa su 30 aña valioso na ybienestar di nos farandula.

Astrid Salazar a nace na Curacao y a cuminsa su futuro carera artistico den gymzaal di Hendrikschool na unda e tabata tuma les tur dia.

Di interes, ta pa menciona cu Astrid Salazar tabata e prome persona di Antillas cu a haya un beca di STICUSA pa bay studia baile. Na Hulanda Astrid Salazar a studia na Rotterdamse Dansacademie y eynan el a gradua como danspedagoge. Seguidamente el a hasi su staats examen.

Un di e puntonan culminante durante su estudio, tabata e hecho cu el a wordo invita pa baila cu e grupo "Catherine Dunham", cu ta un di e grandinan den baile etnico. E experiencia aki a laga un impresion pro-

fundo serca Astrid Salazar, y contribui na e hecho cu despues cu el a funda "Simadanza" Astrid a laga bailan etnico forma parti grandi di e programa di "Simadanza". "Simadanza" a wordo funda na aña 1975 pa Astrid y algun otro persona, despues cu

Astrid tabata directora di Arubese Dans en Ballroom pa mas di 10 aña. Astrid tabata directora artistica di un grupo di baile bao di e mesun nomber, cu tabata dedica su mes promordialmente na e bailenan folklorico, cual grupo a cosecha exitonan grandi, tanto na Aruba como den exterior.

Nos tur por corda ainda e tantisimo biahanan cu "Simadanza" a representa Aruba den exterior riba invitacion di Gobierno.

Durante e añanan cu a pasa miles di jovennan a hasi nan prome pasonan den baile di ballet bao guia di Astrid Salazar. Pa varios di nan, esaki tambe tabata e prome pasonan cu a resulta den un carera profesional, algo di cual Astrid te awe ta masha orgulloso.

Sumamente orgulloso Astrid Salazar tambe ta, de e hecho cu na aña 1965 el a ser invita pa baila pa Reina Juliana durante su estadia na Aruba.

Despues di esey na aña 1978 Astrid a wordo nombra "WOMAN OF THE YEAR", cual ta algo cu a dune hopi satisfaccion. Nos por constata cu door di sacrificionan hasi pa Astrid durante e ultimo 30 añanan, interes pa baile a aumenta na un manera cu ta duna animo pa continua.

Durante e anochi grandi di e super show di gala DEN AMBIENTE AWARD, ta mas cu husto pa duna un



** Simadanza ariba e prestigioso escenario di Radio City Music Hall...

DEN AMBIENTE



** Astrid den un ensayo di stretch...

reconocimento merecidamente na e gran maestra di

baile SALAZAR...

ASTRID



** Na aña 1981 Simadanza a representa Aruba na New York, durante evento "Caribbean Fall Festival", cual a tuma lugar den e prestigioso Radio City Music Hall. Foto ta ilustra na momento cu e delegacion ta saliendo pa New York, (r.p.d.) Oslin Toppenberg (representante di American Airlines), Diputado di turismo Daniel Leo (q.e.p.d.), Jan de Ruyter (Ahata), Betty Arends (oficina di turismo, Edline Decker, Patricia Bislip, Hugo Snoo, Jacinta Navas, Mariella Snijders, Villana van Blarcum, Igor Young, Jerry Giel, Astrid Salazar, Nelis Winklaar, manager di AA (no ta corda nomber), Ruby van Blarcum y Rory Arends...



**E grupo di Simadanza na entrada di Radio City Music Hall su artistanan...